

## Oratio.

**V**OTA, quæsumus, Dómine, supplicántis pópuli cœlesti pietate proséquere : ut et quæ agénda sunt, vídeant, et ad implénda, quæ viderint, convaléscant. Per Dóminum.

Infra Octavam Epiphaniæ, si occurrat festum Duplex ex majoribus, vel alicuius Doctoris Ecclesiæ, transfertur post Octavam, nisi fuerit Patroni vel Titularis Ecclesiæ, vel Dedicatio ejusdem. De aliis vero Duplicibus, de Semiduplicibus et de Simplicibus fit commemoratione juxta Rubricas.

## AD MATUTINUM.

**I**. Dómine labia mea, etc.

Invitorium et Hymnus ut supra in Rubrica festi ponitur. Reliqua omnia ut in die festi, præter Lectiones et Añas ad Benedictus et Magnificat, quæ singulis diebus habentur propriæ ut sequitur.

De Dominica infra Octavam, in quamcumque diem Octavæ inciderit, fit Officium ut infra ordinatur in ipsa Dominica et in ea ponitur Epistola prima ad Corinthios, omissis Lectionibus de Epistola ad Romanos.

Post Dominicam vero continuantur dies Octavæ eodem numero, quo notantur, perinde ac si Dominica non intercessisset. Exempli gratia: si Dominica venerit in tertia die infra Octavam, prima die post Dominicam Lectiones ij. et iij. Nocturni et Antiphonæ ad Benedictus et Magnificat dicentur de tercia die infra Octavam, et sic deinceps de aliis. Lectiones tamen primi Nocturni de Epistola ad Romanos omituntur, et pro iis sumuntur de Epistola prima ad Corinthios, quæ sequuntur post Dominicam: et de ea legitur etiam post Octavam usque ad Dominicam sequentem.

## SECUNDA DIE

INFRA OCTAVAM EPIPHANIE.

AD MATUTINUM.

**Invitatorium** Christus appáruit nobis, \* Veníte, adorémus.

**Repetitur.** Christus appáruit nobis, Veníte, adorémus.

## Psalmus 94.

**V**ENITE, exsultémus Dómino : jubilémus Deo salutári nostro : præoccupémus fáciem ejus in confessióne : et in psalmis jubilémus ei.

Christus appáruit nobis : veníte, adorémus.

Quóniam Deus magnus Dóminus, et Rex magnus super omnes deos : quóniam non repéllet Dóminus plebem suam, quia in manu ejus sunt omnes fines terræ, et altitúdines móntium ipse cónspicit.

Veníte, adorémus.

Quóniam ipsíus est mare, et ipse fecit illud, et áridam fundáverunt manus ejus : veníte ado-

rémus, et procidámus ante Deum ; plorémus coram Dómino, qui fecit nos, quia ipse est Dóminus Deus noster : nos autem póplus ejus, et oves páscuæ ejus.

Christus appáruit nobis : veníte, adorémus.

Hódie si vocem ejus audiéritis, nolíte obduráre corda vestra, sicut in exarcerbatióne secúndum diem tentatióis in desérto, ubi tentavérunt me patres vestri, probavérunt et vidérunt ópera mea.

Veníte, adorémus.

Quadragínta annis próximus fui generatióni huic, et dixi : Semper hi errant corde : ipsi vero non cognovérunt vias meas, quibus jurávi in ira mea, si introíbunt in réquiem meam.

Christus appáruit nobis : veníte, adorémus.

Glória Patri, et Fílio, et Spíritui sancto : Sicut erat in principio, et nunc et semper, et in sǽcula sǽculórum. Amen.

Venite adorémus. Christus appáruit nobis, veníte, adorémus.

**Hymnus.**

**C**RUDELIS Heródes, Deum  
Regem veníre quid times ?  
Non éripit mortália,  
Qui regna dat cœlestia.  
Ibant Magi, quam viderant,  
Stellam sequéntes præviam :  
Lumen requírunt lúmine :  
Deum faténtur múnere.

Lavágra puri gúrgitis  
Cœlestis Agnus áttigit :  
Peccáta quæ non détulit,  
Nos abluéndo sústulit.

Novum genus poténtiae :  
Aquæ rubéscunt hydriæ,  
Vinúmque jussa fündere,  
Mutávit unda originem.

Jesu, tibi sit glória,  
Qui apparuísti Géntibus,  
Cum Patre, et almo Spíritu,  
In sempitérna sæcula.

Amen.

**Añæ, Psalmi et Versiculi dicuntur ut in die Epiphaniæ.**

**IN I. NOCTURNO.**

De Epístola ad Romános.

**Lectio j. Cap. 9.**

**V**ERITATEM dico, in Christo, non  
mémentior ; testimónium mihi  
perhibénte consciéntia mea in  
Spíritu sancto : quóniam tristitia  
mihi magna est, et contínuus do-  
lor cordi meo. Optábam enim ego  
ipse anáthema esse a Christo pro  
frátribus meis, qui sunt cognáti  
mei secúndum carnem, qui sunt  
Israelítæ, quorum adóptio est fi-  
liorum, et glória, et testaméntum,  
et legislátio, et obséquium, et  
promissa : quorum patres, et ex  
quibus est Christus secúndum  
carnem, qui est super ómnia Deus  
benedictus in sæcula. Amen.

**B.** Tria sunt múnera pretiosa,  
quæ obtulérunt Magi Dómino in  
die ista, et habent in se divína  
mystéria : \* In auro, ut ostendá-  
tur Regis poténtia : in thure, Sa-  
cerdótem magnum considera ; et  
in myrrha, Domínicam sepultu-

ram. ¶ Salútis nostræ auctórem Magi veneráti sunt in cunábulis, et de thesáuris suis mysticas ei múnérum spécies obtulérunt. In auro, ut ostendátur Regis poténtia : in thure, Sacerdótem magnum considera : et in myrrha, Domínicam sepultúram.

### Lectio ij.

**N**ON autem quod excíderit verbum Dei. Non enim omnes qui ex Israel sunt, ii sunt Israelítæ ; neque qui semen sunt Abrahæ, omnes filii : sed in Isaac vocábitur tibi semen : id est, non qui filii carnis, hi filii Dei ; sed qui filii sunt promissiónis, æstimántur in sémine. Promissiónis enim verbum hoc est : Secúndum hoc tempus véniam ; et erit Saræ filius. Non solum autem illa : sed et Rebécca ex uno concúbitu habens Isaac patris nostri.

**R.** In colúmbæ spécie Spíritus sanctus visus est, patérra vox audíta est : Hic est Fílius meus

diléctus, in quo mihi bene complácui. ¶ Cœli apérти sunt super eum, et vox Patris intónuit. Hic est Fílius meus diléctus, in quo mihi bene complácui.

### Lectio iij.

**C**UM enim nondum nati fuissent, aut aliquid boni egíssent, aut mali : (ut secúndum electióinem propósitum Dei manéret) non ex opéribus, sed ex vocánte dictum est ei : Quia major sérviet minóri, sicut scriptum est : Jacob diléxi. Esau autem ódio hábui. Quid ergo dicémus ? nunquid iniquitas apud Deum ? Absit. Moysi enim dicit : Miserébor cujus miséreor : et misericórdiam præstábo cujus miserébor. Igitur non voléntis, neque curréntis, sed miseréntis est Dei.

**R.** Reges Tharsis et ínsulæ múnera ófferent : \* Reges Arabum et Saba dona Dómino Deo addúcent. ¶ Omnes de Saba vénient, aurum et thus deferéntes. Reges

Arabum et Saba dona Dómino  
Deo addúcent. Glória Patri, et  
Fílio, et Spirítui sancto. Reges  
Arabum et Saba dona Dómino  
Deo addúcent.

## IN II. NOCTURNO.

Sermo S. Augustíni Epíscopi.

*Serm. 2. de Epiph. qui est 30.  
de Tempore.*

## Lectio iv.

**A**d partum Vírginis adorándum  
Magi ab Oriénte venérunt.  
Hunc diem hódie celebrámus :  
huic débitum solemnitati sermó-  
nem persólvimus. Illis dies iste  
primus illúxit, anniversária no-  
bis festivitáte rédiit. Illi erant  
primítiae Géntium, nos pópulus  
Géntium. Nobis hoc lingua nun-  
tiávit Apostolórum : stella illis  
tamquam lingua cœlorum : et  
nobis iídem Apóstoli, tamquam  
álli cœli, enarravérunt glóriam  
Dei.

**B:** Illumináre, illumináre, Je-  
rúsalem, quia venit lux tua : \* Et

glória Dómini super te orta est.  
**X.** Et ambulábunt gentes in lúmi-  
ne tuo, et reges in splendóre ortus  
tui. Et glória Dómini super te  
orta est.

## Lectio v.

**M**AGNUM sacraméntum ! in præ-  
sépi jacébat, et Magos ab  
Oriénte ducébat : abscondebátur  
in stábulo, et agnoscebátur in  
cœlo : ut ágnitus in cœlo, mani-  
festarétur in stábulo, et appellá-  
réatur Epiphanía dies iste, quod  
latíne manifestatio dici potest :  
simul ejus celsitúdinem humili-  
tatémque comméndans, ut qui in  
apérto cœlo signis sidéreis mon-  
strabátur magnus, in angústo di-  
versório quæsitus invenirétur  
inválidus, infantílibus in mem-  
bris natus, infantilibúsque pan-  
nis involútus, adoraréatur a Magis,  
timeréatur a malis.

**B.** Omnes de Saba vénient, au-  
rum et thus deferéntes, et laudem  
Dómino annuntiántes, \* Alle-

lúia, allelúia, allelúia. **f.** Reges Tharsis et ínsulæ múnera ófferent, reges Arabum et Saba dona addúcent. Allelúia, allelúia, allelúia.

**Lectio vj.**

**T**IMUIT enim eum rex Heródes, eisdem sibi Magis nuntiántibus, cum adhuc quærerent párvulum, quem cognóverant cœlo teste jam natum. Quid erit tribúnal judicántis, quando supérbos reges cunábula terrébant infántis ? Quanto consúltius reges non sicut Heródes interficere quærant, sed, sicut Magi, pótius adoráre delecténtur, jam præsér-tim eum, qui et ipsam mortem quam cupiébat inimícus inférre, étiam pro ipsis inimícis ab inimícis sustinuit, eámque in suo cörpore occísus occídit. Pie tí-meant reges ad Patris déxteram jam sedéntem, quem rex ímpius timuit adhuc matris úbera lambéntem.

**B.** Magi vénient ab Oriénte Jerosólymam quæréntes, et dicéntes : Ubi est qui natus est, cujus stellam vídimus ? \* Et vénimus adoráre Dóminum. **f.** Vídimus stellam ejus in Oriénte. Et vénimus adoráre Dóminum. Glória Patri, et Fílio et Spirítui sancto. Et vénimus adoráre Dóminum.

**IN III. NOCTURNO.**

Léctio sancti Evangélii se-cúndum Matthæum.

**Lectio vii. Cap. 2.**

**C**UM natus esset Jesus in Béthle-hem Juda in diébus Heródis regis, ecce Magi ab Oriénte venérrunt Jerosólymam dicéntes : Ubi est qui natus est Rex Judæórum ? Et réliqua.

De Homilía S. Gregórii Papæ.

*Ex Homil. 10. in Evang.*

**N**ATIVITATE Regis nostri cōgnita, Heródes ad cálida arguménta convértitur : et ne terréno re-gno privaréatur, renuntiari sibi ubi puer inveniátur, póstulat. A-

dorare eum velle se simulat, ut hunc, si inveniri possit, extinguat. Sed quanta est humana malitia contra consilium divinitatis? Scriptum quippe est: Non est sapientia, non est prudentia, non est consilium contra Dominum. Nam ea, quae apparuit stella, Magos perduxit: natum Regem repériunt, munera deferunt: et ne redire ad Herodem debeant, in somnis admonentur. Sicque fit, ut Iesum, quem quaerit Herodes, invenire non possit. Cujus persona qui alii, quam hypocritae designantur, qui dum ficte querunt, invenire Dominum numquam merentur.

**R.** Stella, quam viderant Magi in Oriente, antecedebat eos, donec venirent ad locum, ubi puer erat. \* Videntes autem eam, gavisi sunt gaudio magno. **X.** Et intrantes domum, invenierunt puerum cum Maria matre ejus, et procidentes adoraverunt eum.

Videntes autem eam, gavisi sunt gaudio magno.

**Lectio viij.**

**S**ED inter haec sciendum, quod Priscillianistæ haeretici nasci unumquemque hominem sub constitutionibus stellarum putant: et hoc in adjutorium sui erroris assument, quod nova stella exiit cum Dominus in carne apparuit: cuius fuisse fatum eamdem, quae apparuit, stellam, putant. Sed si Evangelii verba pensamus, quibus de eadem stella dicitur: Usque dum veniens stare supra ubi erat puer: dum non puer ad stellam, sed stella ad puerum cucurrit, si dici liceat, non stella fatum pueri, sed fatum stellæ is, qui apparuit, puer fuit.

**R.** Videntes stellam Magi, gavisi sunt gaudio magno: \* Et intrantes domum, invenierunt puerum cum Maria matre ejus, et procidentes adoraverunt eum. \* Et apertos thesauris suis obtulé-

runt ei múnera, aurum, thus, et myrrham. **f.** Stella, quam víde-  
rant Magi in Oriénte, antecedé-  
bat eos, usque dum véniens sta-  
ret supra ubi erat puer. Et intrán-  
tes domum, invenérunt púerum  
cum María matre ejus, et procidé-  
entes adoravérunt eum. Glória  
Patri, et Fílio, et Spíritui sancto.  
Et apértis thesáuris suis obtulé-  
runt ei múnera, aurum, thus, et  
myrrham.

**Lectio ix.**

**S**ED a fidélium córdibus absit,  
ut áliquid esse fatum dicant.  
Vitam quippe hóminum solus  
hic cónditor, qui creávit, admi-  
nistrat. Neque enim propter stel-  
las homo, sed stellæ propter hó-  
mínem factæ sunt : et si stella fa-  
tum hóminis dicitur, ipsis suis  
ministériis subésse homo perhi-  
bétur. Certe cum Jacob de útero  
egrédiens, priórís fratris plantam  
tenéret manu, prior perfécte ne-  
quáquam égredi pótuit, nisi súb-

sequens inchoásset : et tamen  
cum uno témpore eodémque mo-  
mónto utrúmque mater fúderit,  
non una utriúsque vitæ quálitas  
fuit.

Te Deum laudámus. 56.

**Ad Benedictus, Aña.** Ab Oriénte  
venérunt Magi in Béthlehem  
adorare Dóminum : et apértis  
thesáuris suis, pretiosa múnera  
obtulérunt : aurum, sicut Regi  
magno ; thus, sicut Deo vero ;  
myrrham sepultúræ ejus, alle-  
lúia.

**Ad Magnificat, Aña.** Vidéntes  
stellam Magi gavisi sunt gáudio  
magno : et intrantes domum, ob-  
tulérunt Dómino aurum, thus,  
et myrrham, alleltúia.

TERTIA DIE.

IN I. NOCTURNO.

De Epístola ad Romános.

**Lectio j. Cap. 12.**

**O**BSECRO ítaque vos, fratres, per  
misericórdiam Dei, ut exhibe-  
atis córnora vestra hóstiam vi-

véntem, sanctam, Deo placéntem, rationábile obséquium vestrum. Et nolíte conformári huic sæculo, sed reformámini in novitáte sensus vestri : ut probétis quæ sit volúntas Dei bona, et benépla-cens, et perfécta. Dico enim per grátiam, quæ data est mihi, ómnibus qui sunt inter vos : Non plus sápere quam opórtet sápere, sed sápere ad sobrietátem : et uni-cuíque sicut Deus divídit mensúram fidei.

**R.** Tria sunt múnera pretiósaa, quæ obtulérunt Magi Dómino in die ista, et habent in se divína mystéria : \* In auro, ut ostendá-tur Regis poténtia : in thure, Sa-cerdótēm magnum consídera ; et in myrrha, Domínicam sepultúram. **V.** Salútis nostræ auctórem Magi veneráti sunt in cunábulis, et de thesáuris suis mysticas ei múnérum spécies obtulérunt. In auro, ut ostendátur Regis poténtia : in thure, Sacerdótēm ma-

gnūm consídera : et in myrrha, Domínicam sepultúram.

**Lectio ij.**

**S**ICUT enim in uno córpore mul-ta membra habémus, ómnia autem membra non eúmdem ac-tum habent : ita multi unum corpus sumus in Christo, sín-guli autem alter altérius membra. Ha-béntes autem donatiónes secúndum grátiam, quæ data est nobis, differéntes : sive prophetiám se-cúndum ratióne fidei, sive mi-nistérium ministrándo, sive qui docet in doctrína, qui exhortátur in exhortándo, qui tríbuit in sim-plicitáte, qui praeest in solicitú-dine, qui miserétur in hilaritaté.

**R.** In colúmbæ spécie Spíritus sanctus visus est, patérrna vox au-dita est : \* Hic est Fílius meus diléctus, in quo mihi bene complácui. **V.** Cœli apérti sunt super eum, et vox Patris intónuit. Hic est Fílius meus diléctus in quo mihi bene complácui.

## Lectio iij.

**D**ILECTIO sine simulatiōne : Odiéntes malum, adhærēntes bono : Caritatē fraternitatis ívincem diligēntes : Honóre ívincem præveniēntes : Solicitudine non pigri : Spíritu fervēntes : Dómino serviēntes : Spe gaudēntes : In tribulatiōne patiēntes : Oratiōni instántes : Necessitatibus sanctórum communicāntes : Hospitalitatēm sectāntes. Benedicite persequēntibus vos : benedicite et nolīte maledicere. Gaudēre cum gaudēntibus, flere cum flēntibus : Idípsum ívincem sentiēntes : Non alta sapiēntes sed humílibus consentiēntes.

**R.** Reges Tharsis et ínsulæ mūnera ófferent : \* Reges Arabum et Saba dona Dómino Deo addúcent. **V.** Omnes de Saba vénient, aurum et thus deferēntes. Reges Arabum et Saba dona Dómino Deo addúcent. Glória Patri, et Fílio et Spirítui sancto. Reges A-

rabum et Saba dona Dómino Deo addúcent.

## IN II. NOCTURNO.

De Sermóne Sancti Augustíni  
Epíscopi.

Serm. 2. de Epiphania.  
Lectio iv.

**C**UM tam multi jam nati, atque defuncti essent reges Judæórum ; numquid quemquam eórum adorándum Magi quæsiérunt ? Non, quia nec queinquam eórum cœlo loquénte didicérunt. Verúmtamen, quod prætereundum non est, hæc Magórum illuminatiō magnum testimónium cæcitatis exstitit Judæórum. In terra eórum isti requirébant, quem illi in sua non agnoscébant.

**R.** Illuminare, illuminare, Je-rúsalem, quia venit lux tua : \* Et glória Dómini super te orta est.

**V.** Et ambulabunt gentes in lúmine tuo, et reges in splendóre ortus tui. Et glória Dómini super te orta est.